

# ZEMNĪKURS

LATGOLAS NŪVODA NEDEĻAS LAIKKROKSTS

Nr. 13 (101)

1997. GODA 28. MARTS

CENA 5 SANTIMI



## PRĪCEIGUS LELDINĒS ŠVĀTKUS!

AUGUSTS EGLĪJS

### AUGŠAMCEĻŠONĒS

*Tūrņus Augšamceļšonūs zvona  
Saules gaisma zaltaini leist,  
Pumpurym svečainē apvolki pleist  
Un jaunūs, zaļos lapeņas mona.  
Ceiruļu pulki dzīd dabasu tōlē,  
Ceļmolūs jaunō zōleite deigst,  
Pymajam vyzbuļam vaidzeni tveikst,  
Mirdz sudobrys pyupola vōlē.*

— *Cylvāk, atsedz golvu un klausīs  
Vysūs tūrņus zvoni kai skaņ,  
Gaismas uzvaru vēji kai saņ  
Un atmūdu dzīd tovōs ausīs.  
— Taisneibu dažureiz pikalt var krystā,  
Symtīm sorgu pi kopa var likt, —  
Tūmār pi uzvaras nūlamts jai tikt  
Un mirdzēt myžeigi gaišai.  
— Vysūs tūrņus Augšamceļšonūs zvona!*

JŪLIJS TRŪPS

## VĒLĒŠONAS RĒZEKNĒ UN BOLVŪS

Rēzeknē nūtyka navys parteja, bet tautas gryba, tōpēc «Latvejas ceļam» nikō napaleidzēja ļūti bleivō reklama masu informacejas leidzekļūs. Taipat «Tautas saskaņas partejas» vadeitōju pacinōšona ar šņabi un precem pusūtra leidz divu latu vērtēibā. Ari tys, ka LNNK un «tāvzemišu» sarokstam pymšvēlēšonu aptaujā gondreiz puse sacējōs bolsōt par nacionalim. Rezultats ir raibs — dūmes vinpadsmīt krāslūs pa divi vītas ir «Latvejas ceļam», «Saiminikam», «Saskaņai», «Tāvzemišim» un «socialistim» un pādeļō — socialdemokratim, Vōrdyski tys izaver tai (personalejōs) — Viktors Reblis, Vilmaris Jukna, Jōņs Jukna, Raisa Meijere, Sergejs Družinins, Vitālijs Pitkevičs, Jōņs Karro, Jōņs Vysockis, Mihails Bartaševičs, Viktors Pudovs un Osvālds Zvejsalniks (nūsauktūs vālātōju sarokstu kōrteibā).

Vēlēšonas Rēzeknē nūrietiņa samārā gludi, bet «Saskaņas» deveigums vālātōjim, kurā daudzī palyka ari beša, vairōk vērtējams kai morales, na lykuma pōrkōpums. Vineigais kuriozs

šamā sakareibā ir napateikami breiži Reigas Komerbankas Rēzeknes filiāles vadeitōjam Zigmuntam Petkevičam — jū sajauce ar «Saskaņas» deputatu Vitāliju Pitkeviču, kuram tod ari tyka adresāta gon pateiceiba, gon kritika. Šaidā sakareibā Z. Petkeviča kungs laikrokstā «Rēzeknes Vēstis» nūpublicēja paziņōjumu par nūsarūbežōšonu nu itōs vēlēšonu kņadas.

Bolvūs, nadūdūt absolutu pōrsvoru, vālātōjō dūmē tūmār četrus vītas davuši vacajam sastōvam, kurs balotējās ar «Kristeigōs tautas partejas» pīsapulceišonu nacionalajim politiskajim spēkim. Un, lyuk, nūtyka piļsātas dūmes pymō sēde un jōs vadeiba otkon uztycāta Juram annuškānam. Bolvu dūme ir vīneigō vīta, kur ōrpus Reigas balotējōs jaunōs nacionalō progresa partejas kandidati, īgyustūt vīnu deputata vītu.

Ūtrajā Bolvu rajona piļsātā — Viļakā brīst skandals. Lai atgōdojam, ka tī gribu uz varu piteice treis vālātōju apvīneibas «Viļaka», kas beja

numurātas, un DP «Saiminiks». Pōrlīcynūši — ar sešom deputatu vītōm — uzvarēja dūmes priksādātōja Marijana Lōcāna saroksts, bet jū apstreid vālātōju apvīneiba «Viļakai» (bez numerā), M. Lōcānam pōrmat sadarbeibu ar VDK. Byus tīsas dorbī, jo līta nūdūta prokuratūrai. Tai ka ari Viļakā varātu nūtikst kas leidzeigs Daugavpiļam.

Pogostūs, kur nav lelu izmaiņu jaunō sasaukuma padūmēs, sōcis jauns dorbs, konkreti, runa ir par Latvejas Pašvaldeibu savīneibas ideju organizēt pogostu pašvaldeibu padūmes voi apvīneibas. Projektu, kura realizējums pasorgōs pogostus pēc rajona padūmes likvidēšonas, atbolsta lelōkō daļa nu jīm Bolsu pusē. Rēzeknes jaunajai dūmei pyrmais dorbs beja gryuts — priksādātōja izvēle, sagaidama interesanta lobējus un kreisūs spēku spēle ar centrīstim. Ari rēzeknišim dzeive byus interesanta, jo jaunō dūme nu vacōs montōjuse 700 tyukstūsas latu lelus porōdus.

Boleslava Brežgo (1887—1957) dzimšonas.

«TĀVU ZEMES KALENDARS»  
● 28. martā (1927) dzimis lauksaimniecības ekonomists, LZA korespondētōjlūceklis, profesors Dr. hab. oec. Kazimirs Špōgīs.

● 30. martā (1932) dzimis dzejnīks, žurnālists Aleksejs Solovjovs.

● 31. martā (1922) Ludzas aprinka Naurānāns miris goreidznīks Aleksāndrs Platpīrs, dzimis 1860. goda 16. jūli tipat.

● Martā (1832) Rzeknes aprinka Gaigalovas pogostā Seiļu Dervaniņā dzimis latgaļu dzismīnīks, grōmotu pōrakteitōjs drukas aizliguma laikā Jōņs Seilis, miris 1928. goda 18. aprēli tipat.

● Martā (1987) nūdybynōta Ludzas literarō apvīneiba.

Sastōdēja  
Viktors TROJANOVSKIS

Centralō valde sirsneigi pasateic vysim, kuri myusus atbalstēja pašvaldeibu vēlēšonūs.

## HRONIKA

● 25. marts — pyrms 105 godim Sakstagola pogostā dzimis monsinjors Dominīks Jaudzems (1892—1958) — Aglyunas Gorēigō seminara mōceibu spēks, izgleiteibas ministra bidrs, Rēzeknes Valsts Skolōtōju instituta direktors 1933.—1940. godā, paglobōts Aglyunas kopsātā.

● 25. martā 1917. godā dybynōta «Latgališu Skolōtōju savīneiba (vēļōk «Latgališu Skolōtōju centralō bidreiba)», 1921.—1938. godā izdeve žurnālu «Latgolas Skola».

● 25. martā 80 godu jubileja latgaļu volūdās aizstōvei trymdā ōrstei Viktorijai Mickānei (1917).

● 26. martā 1582. godā Pūlejas karaļš Stefans Batorijs Daugavpiļam pīškeire Magdeburgas piļsātu tīseibas.

● 31. martā paīt 110 godu nu myusu nūvoda izcylōkō vēsturnika profesora

## PATEICEIBA

Latvejas Zemniķu savīneibas

## MEŽA DĪNAS

Saeimas LZS, KDS, LSDP frakceja kūpā ar LZS Centralū valdi nūlēme nu 15. aprēļa leidz 15. majam organizēt K. Ulmanim veļteitas Meža dīnas, kurōs jōpīsadola vysom LZS organizacejom. Leidz 20. martam frakcejai beja jōisyuta informaceja, kaidi stō-

damī materialy vajadzeigi. Klōtpilykti kūkraudzātovu, valsts Meža dinastu vērsmežziņu tōļruņu, kai ari atbiļdeigūs personu saroksti.

Parakstējis frakcejas priksādātōja vitnīks

Viesturs GREDZENS

## ATBIĻDEIGĪ LATGOLĀ:

Deputati:  
Raitis Apalups — Gulbenes, Andrejs Naglis — Preiļu, Ādōlfs Ločmelis — Krōslovas, Anta Rugāte — Bolvu, Roberts Dilba — Ludzas, Pauls Putniņš — Madonas rajons;

LZS valdes lūcekli:  
Alfrēds Greiselis — Jākubpiļs, Stefans Rāzna — Daugavpiļs, Leopolds Zunda — Rēzeknes rajons.

Valsts meža dīnastu vērsmežņiceibas:

Daugavpiļs, Anatolijs Reliņš, Daugavpiļi, K. Valdemāra ilā 7, LV-5407, tōļruni — 254-25782 (grōmotvede — 21453, dorbvede — 21203, mežņic. inž. — 21962, 22935);

— Gulbenes — Oskars Dūrīts, Gulbenē, Pamata ilā 14, LV-4401, tōļrunis 244-23347 (grōmotvede — 23171);

— Jākubpiļs, Jōņs Myurinīks, Jākubpiļs—1, Mežryupnīku ilā 2, LV-5205, tōļr. 252-31541 (grōmotvede — 31466, dorbvede — 32304, inženeri — 32304);

— Krōslovas, Kuznerevičs, Krōslōvā, a. k. Nr. 43, Krōslovas pogosta «Baltiņūs», LV-5670, tōļr. 256-25110 (grōmotvede — 25210);

— Leivōnu, Andrejs Rudzītis, Preiļu rajona Turku pogosta «Kaijās», LV-5316, tōļr. 253-44035 (grōmotvede — 42963, inženeri — 42296);

— Ludzas, Valentīns Daudišs, Ludza, Latgolas ilā 107, LV-5701, tōļr. 257-22009;

— Rēzeknes, Antonina Ertā, Rēzeknē, Rēznas ilā 6, LV-4603,

tōļr. — 246-22166 (vitnīks — 27326, grōmotvede — 25290, dorbvede — 27352, inženeri — 22706);

— Žiguru, Aldis Bricis, Bolvu rajona Žiguri, Ryupņiceibas ilā 8, LV-4584, tōļr. — 245-64383 (grōmotvede — 64313, dorbvede — 64313, inženeri — 64317);

— KPS «Kalsnava», Edgars Šmāukstelis, Madonas rajona Jaunkalsnovā, LV-4860, tōļr. — 248-37591 (grōmotvede — 37511, dorbvede — 37691, inženeri — 37592).

Tyvōkōs kūkraudzātovas:  
Cesvaines, Modūnas rajona Indrānu pogosta «Podiņi», Cesvaines vērsmežņiceiba — 25371, Pededzes mežņiceiba — 94212.

Daugavpiļs, Daugavpiļs rajona Skrudalīnas pogosta «Eglōjūs», Daugavpiļs vērsmežņiceiba — 25782. Silenes mežņiceiba — 95344.

Ogres, Ogres rajona Ogresgala pogosta «Tūjas», Ogres vērsmežņiceiba — 46963, Ogres mežņiceiba — 25224.

Žiguru, Bolvu rajona Žiguru pogosta Katlešūs, Žiguru vērsmežņiceiba — 64383, Katlešu mežņiceiba — 64481.

Zemniķu saimņiceiba «Mikeļi». Olyuksnes rajona Apes piļs. «Korintes», tōļruņi dorbā 55351 un mōjōs — 61356 (Olyuksnes), Olyuksnes vērsmežņiceiba — 22264, Apes mežņiceiba — 55455.





